

# Niaga!



**SYED HAMADAH** (dua dari kanan) menyerahkan replika cek sumbangan zakat untuk Kenderaan Surau Bergerak PDRM kepada Ketua Polis Negara, **Tan Sri Razarudin Husain** di Kuala Lumpur.

## Program Tabah TH dapat sambutan

**PETALING JAYA** - Lembaga Tabung Haji (TH) dan Polis Diraja Malaysia (PDRM) bekerjasama di bawah program Tabung Azam ke Baitullah (Tabah) bagi menggalakkan warga PDRM menyimpan untuk menunaikan haji.

Menerusi kempen tersebut, warga PDRM beragama Islam diseru supaya membuka akaun TH dan membuat caruman menerusi potongan gaji bulanan ke dalam akaun TH, serta mendaftar untuk mengerjakan haji.

Pengarah Urusan Kumpulan dan Ketua Pegawai Eksekutif TH, Syed Hamadah Syed Othman berkata, kempen ini dapat memberi manfaat sekali gus

memudahkan lebih 100,000 anggota PDRM seluruh negara untuk membuat simpanan setiap bulan.

"Bagi memudahkan warga PDRM menyimpan bagi tujuan haji, pihak TH telah bekerjasama dengan PDRM untuk mengadakan kempen potongan caruman bulanan yang akan memudahkan warga PDRM menyimpan.

"Saya yakin dengan potongan gaji ini, warga PDRM tidak perlu lagi bimbang jika terlupa untuk membuat simpanan haji bulanan masing-masing, sekali gus merealisasikan impian untuk menunaikan haji," katanya dalam kenyataan di sini semalam.